

Cynnwys

Fformat amgen y Cytundeb Atodol hwn.....	3
Cwmpas	3
Yr hyn y mae'r Cytundeb Atodol hwn yn ei gwmpasu	3
Yr hyn nad yw'r Cytundeb Atodol hwn yn ei gwmpasu	3
Cyflwyniad	4
Dogfennaeth Gysylltiedig	5
Prif delerau'r Cytundeb Atodol	5
1 Safonau Proffesiynol a Gweithdrefnau Addaswydd i Ymarfer.....	5
2 Cyfnodau Ymarfer Dysgu	8
3 Terfynu Cyflogaeth a/neu Nawdd	10
4 Terfynu Cofrestriad.....	11
5 Eich Astudiaethau	13
6 Rhannu gwybodaeth a Diogelu Data	14
7 Tynnu'n ôl o'ch astudiaethau neu eu gohirio.....	17
8 Crynodeb o newidiadau sylweddol	17
Rhestr Termau.....	20
Tîm Cymorth ac Ymrestru Prentisiaid.....	20
Prentis/Dysgwr.....	20
Y Cod 20	
Cyswllt Cyflogi.....	20
Noddwr Ariannol	21
Contract Anrhydeddus	21
Llwybr Annibynnol.....	21
Cyflogwr Llwybr Annibynnol	21

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

Cyswllt Cyflogwr Llwybr Annibynnol	21
Noddwr Dysgu	21
Cymhwyster Nyrsio	22
Darparwr Lleoliad	22
Asesydd Ymarfer.....	22
Cyfleoedd Ymarfer Dysgu	22
Cyfnod Ymarfer Dysgu.....	22
Goruchwyliwr Ymarfer.....	22
Tiwtor Ymarfer	22
Rhaglen Nyrsio Cyn Cofrestru.....	22
Y Cyngor Nyrsio a Bydwreigiaeth.....	23
Tiwtor Staff23	
Tîm Cymorth Myfyrwyr	23
Ni/Ein 23	
Eglurhad pellach o'r Cytundeb Atodol hwn.....	23
Y Tîm Cymorth Myfyrwyr Iechyd, Llesiant a Gofal Cymdeithasol (ar gyfer Myfyrwyr ar Raglenni Nyrsio)	23
Y Tîm Cymorth ac Ymrestru Prentisiaid (ar gyfer Prentisiaid ar Raglenni Prentisiaeth) ...	24
Y Brifysgol Agored yng Nghymru	24
I siaradwyr Cymraeg	24
Y Brifysgol Agored yn yr Alban.....	24
Y Brifysgol Agored yn Iwerddon (Gogledd Iwerddon a Gweriniaeth Iwerddon).....	25
I Fyfywrwyr newydd ac o'r tu allan i'r DU (ac eithrio Gweriniaeth Iwerddon).....	25
Adborth.....	25
Atodiad A.....	26
Tabl 1: Amgylchiadau lle y gellir ystyried rhoi estyniad i fyfyrwyr gwblhau eu cymhwyster.	26

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Fformat amgen y Cytundeb Atodol hwn

Os bydd angen y ddogfen hon arnoch mewn fformat amgen, cysylltwch â'r Tîm Cymorth Myfyrwyr drwy <http://www.open.ac.uk/contact/> (ffôn +44 (0)300 303 5303), os ydych yn Nyrs Dan Hyfforddiant gyda'r Brifysgol Agored, neu'r Tîm Cymorth ac Ymrestru Prentisiaid drwy [StudentHome](#) os ydych yn Brentis Nyrsio ar hyn o bryd.

An English language version of this policy is available.

Mae fersiwn Saesneg o'r polisi hwn ar gael hefyd.

Cwmpas

Yr hyn y mae'r Cytundeb Atodol hwn yn ei gwmpasu

Mae'r Cytundeb Atodol hwn yn berthnasol i Fyfywrwr neu Brentisiaid sydd wedi cael eu derbyn ar raglen Nyrsio Cyn Cofrestru'r Brifysgol Agored.

Yr hyn nad yw'r Cytundeb Atodol hwn yn ei gwmpasu

Nid yw'r Cytundeb Atodol hwn yn berthnasol i Fyfywrwr neu Brentisiaid nad ydynt wedi cael eu derbyn eto ar raglen Nyrsio Cyn Cofrestru Y Brifysgol Agored, myfyrwyr sy'n astudio modiwlau a allai gyfrannu at gymhwyster y tu allan i'r rhaglen Nyrsio, na Myfyrwyr neu Brentisiaid sy'n astudio cymwysterau neu raglenni dysgu seiliedig ar waith eraill, fel Gwaith Cymdeithasol.

Nid yw'n berthnasol i Fyfywrwr na Phrentisiaid sy'n astudio fersiynau o fodiwlau a/neu gymwysterau nad ydynt yn rhai Nyrsio.

Prentisiaethau

Os ydych yn astudio prentisiaeth, nid yw rhai rhannau o'r ddogfen hon yn berthnasol i chi. Caiff y rhain eu hegluro ym mhob adran berthnasol. Os oes gennych unrhyw gwestiynau, cysylltwch â'r [Tîm Cymorth ac Ymrestru Prentisiaid](#).

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Cyflwyniad

Mae'r Cytundeb Atodol hwn yn nodi'r telerau ychwanegol y cytunwyd arnynt â'r Brifysgol Agored ar gyfer astudio tuag at raglen Nyrsio Cyn Cofrestru (gan gynnwys Graddau Cyn Cofrestru, Graddau Sylfaen, a Phrentisiaethau Gradd). Dyma'r Cytundeb Atodol y cyfeirir ato yn yr [Amodau Cofrestru](#) a'r [Amodau Cofrestru \(Prentisiaid\)](#), a dylid ei ddarllen ar y cyd â'r Amodau hynny a'r rheolau, y rheoliadau a'r polisiau a nodir ynddynt. Drwy gofrestru ar gyfer cymhwyster Nyrsio, rydych yn cytuno ar y telerau hyn. Mae [Rhestr Termiau](#) wedi'i chynnwys i esbonio unrhyw dermau a all fod yn anghyfarwydd i chi.

Mae'r Cytundeb Atodol hwn yn weithredol o'r dyddiad y gwnaethoch gofrestru ar gyfer eich cymhwyster Nyrsio a bydd yn parhau i fod yn berthnasol nes y byddwch wedi cwblhau eich cymhwyster, neu nes y bydd eich cofrestrriad wedi dod i ben neu wedi'i ganslo, pa un bynnag fydd yn digwydd gyntaf.

I gael canllawiau penodol ar sut y gall y cytundeb hwn fod yn berthnasol i'ch amgylchiadau personol, cysylltwch â'ch [Tîm Cymorth Myfyrwyr](#), neu'r [Tîm Cymorth ac Ymrestru Prentisiaid](#), neu gyswllt cyfatebol y Wlad.

Gellir diweddarau'r Cytundeb Atodol hwn drwy gydol y flwyddyn er mwyn cywiro gwallau, gwella eglurder neu hygyrchedd, neu fyfyrion ar newidiadau i ofynion cyfreithiol neu reoliadol. Os bydd y diwygiadau hyn yn digwydd ar ôl i chi gofrestru, byddwch yn cael gwybod am unrhyw newidiadau sylweddol i'r ddogfen hon drwy e-bost.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Dogfennaeth Gysylltiedig

Cyfeiriwch at y ddogfen hon ar y cyd â'r canlynol:

- [Amodau Cofrestru](#) neu [Amodau Cofrestru ar gyfer Prentisiaid](#) fel y bo'n berthnasol i'ch cymhwyster
- [Rheolau Ffioedd \(Astudiaeth Israddedig\)](#)
- [Gweithdrefn Addasrwydd i Ymarfer](#)
- [Polisi Addasrwydd i Astudio](#)
- [Y Cyngor Nyrsio a Bydwreigiaeth – Y Cod; Safonau ymarfer proffesiynol ac ymddygiad ar gyfer Nyrsys, Bydwragedd a Chymdeithion Nyrsio](#)
- Rheoliadau cymhwyster-benodol ar gyfer eich cymhwyster Nyrsio.
- [Hysbysiad Preifatrwydd i Fyfirwyr](#)

Prif delerau'r Cytundeb Atodol

1 Safonau Proffesiynol a Gweithdrefnau Addasrwydd i Ymarfer

- 1.1 Er mwyn astudio cymhwyster Nyrsio gyda'r Brifysgol Agored, mae gofynion ychwanegol i ddatgelu cyfyngiadau ac amodau cyfreithiol yn unol â [Chanllawiau ar Iechyd a Chymeriad \(Saesneg un unig\)](#) y Cyngor Nyrsio a Bydwreigiaeth. Bydd yn ofynnol i chi gael cliriad manylach gan y Gwasanaeth Datgelu a Gwahardd (yng Nghymru a Lloegr), gwiriad gan Disclosure Scotland (yn yr Alban) neu wiriad gan Access NI (yng Ngogledd Iwerddon). Bydd yn ofynnol i chi gwblhau hunanddatganiad (a all gynnwys euogfarnau wedi'u disbyddu perthnasol). Dim ond os bydd y Cyngor Nyrsio a Bydwreigiaeth wedi nodi hynny'n benodol y bydd yn ofynnol i chi gwblhau hunanddatganiad o euogfarnau wedi'u disbyddu perthnasol. Bydd Y Brifysgol Agored yn rhoi gwybod i chi am y wybodaeth y bydd yn ofynnol i chi ei datgelu os bydd hynny'n briodol, cyn cofrestru ar eich cymhwyster Nyrsio. I gael rhagor o wybodaeth cysylltwch â'ch [Tîm Cymorth Myfirwyr](#) neu'r [Tîm Cymorth ac Ymrestru Prentisiaid](#) (neu gyswllt cyfatebol y Wlad).
- 1.2 Drwy ymrwmo i'r Cytundeb Atodol hwn, rydych yn cydnabod yn benodol eich bod yn deall y safonau proffesiynol a bennwyd gan y Cyngor Nyrsio a Bydwreigiaeth yn y Cod sy'n berthnasol i Fyfirwyr Nyrsio, ac yn cytuno i ymrwmo iddynt. Mae hyn yn golygu:

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

- a) Os mynegir pryder nad ydych yn cyflawni nac yn cynnal y safonau hyn ar lefel sy'n briodol ar gyfer cam eich astudiaethau ar gyfer y cymhwyster Nyrsio, efallai y cewch eich cyfeirio o dan Weithdrefn [Addasrwydd i Ymarfer](#) Y Brifysgol Agored.

Gall hyn arwain at y canlynol o ran eich astudiaethau tuag at un o'r cymwysterau yn y rhaglen Nyrsio:

- gosod amodau arnoch, cyn y gallwch barhau i astudio ar gyfer y cymhwyster (ac, felly, gosod amodau ar eich cyflogaeth, os ydych yn Brentis Nyrsio);
- eich atal rhag astudio ar gyfer y cymhwyster;
- terfynu cofrestrriad tuag at y cymhwyster;
- peidio â dyfarnu'r cymhwyster.

- b) Rydych yn cytuno i roi gwybod i'r Brifysgol Agored cyn gynted ag y bo'n ymarferol bosibl am unrhyw fater a all beri pryder ynglŷn â'ch gallu i gyrraedd safonau proffesiynol y Cyngor Nyrsio a Bydwreigiaeth. Dylech gysylltu â'ch Tiwtor Ymarfer neu lle y gall hyn achosi oedi, â'r Tiwtor Staff yn eich ardal. Bydd y Cyswllt Cyflogi neu'r Cyswllt Cyflogi Llwybr Annibynnol yn eich sefydliad, eich [Tîm Cymorth Myfyrwyr](#) (Myfyrwyr ar Raglenni Nyrsio) neu'r [Tîm Cymorth ac Ymrestru Prentisiaid](#) (Prentisiaid ar Raglenni Prentisiaeth) yn gallu darparu manylion cyswllt fel y bo angen.

- 1.3 Er mwyn bod yn gymwys ar gyfer dyfarniad cymhwyster Nyrsio, mae'n rhaid eich bod, ym marn Y Brifysgol Agored, yn bodloni'r gofynion academaidd a'r gofynion o ran safonau proffesiynol yn foddhaol. Mae'n rhaid i chi gwblhau'r holl fodiwlau angenrheidiol yn llwyddiannus fel y'u nodir yn y Rheoliadau Cymhwyster sy'n benodol i'ch cymhwyster er mwyn cael y dyfarniad.
- 1.4 Os na fyddwch wedi cyrraedd y safonau proffesiynol gofynnol oherwydd materion a gododd cyn i chi gofrestru â'r Rheoleiddiwr, gall datganiad i'r Rheoleiddiwr am eich iechyd a'ch cymeriad da gael ei gadw'n ôl ar argymhelliad panel Addasrwydd i Ymarfer. Gall hyn ddigwydd hyd yn oed os byddwch wedi ennill digon o gredyd modiwl i fodloni gofynion academaidd ac ymarfer dysgu'r cymhwyster Nyrsio. Byddai hyn yn golygu na allech gofrestru, ac felly ymarfer, fel nyrs er bod y cymhwyster wedi'i ddyfarnu.
- 1.5 Gall y rhaglen gynnwys y gofyniad i chi ymgymryd ag ymgynghoriadau o bell. Os felly, bydd gweithdrefnau [Addasrwydd i Ymarfer](#) Y Brifysgol Agored yn berthnasol, a bydd y gweithdrefnau hyn yn delio ag unrhyw achos o dorri'r safonau proffesiynol perthnasol.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

- 1.6 Os bydd eich cymhwyster Nyrsio wedi'i ddyfarnu, a daw unrhyw faterion a ddigwyddodd cyn i'r cymhwyster gael ei ddyfarnu i'r amlwg wedi hynny a ddylai, ym marn panel Addasrwydd i Ymarfer, fod wedi cael eu datgan ac a fyddai wedi arwain at beidio â dyfarnu'r cymhwyster Nyrsio, yna caiff y mater ei gyfeirio at Bwyllgor Disgyblu Canolog Y Brifysgol Agored. Mae gan y Pwyllgor Disgyblu Canolog y pŵer i dynnu'r cymhwyster Nyrsio yn ôl.
- 1.7 Os na chaiff y cymhwyster Nyrsio ei ddyfarnu o ganlyniad i gamau a gymerwyd gan banel Addasrwydd i Ymarfer neu'r Pwyllgor Disgyblu Canolog, mae'n bosibl y cewch gynnig un o gymwysterau eraill Y Brifysgol Agored os byddwch wedi bodloni'r gofynion o ran credydau ar ei gyfer, ar yr amod nad ydynt yn destun cosbau disgyblu eraill.
- 1.8 Ni fydd cael cynnig lle ar y cymhwyster gan Y Brifysgol Agored na chwblhau'r cymhwyster yn llwyddiannus yn sicrhau y cewch eich cynnwys ar gofrestr broffesiynol y Cyngor Nyrsio a Bydwreigiaeth. Mae'r Cyngor Nyrsio a Bydwreigiaeth yn cadw'r hawl i benderfynu a gewch ymuno â'r gofrestr broffesiynol ar y pwynt cofrestru (gweler y [Canllawiau ar Iechyd a Chymeriad](#), Y Cyngor Nyrsio a Bydwreigiaeth 2019). Cyfeiriwch at ganllawiau'r Cyngor Nyrsio a Bydwreigiaeth am y wybodaeth ddiweddaraf mewn perthynas â'r gofynion ar gyfer cofrestru â'r Cyngor Nyrsio a Bydwreigiaeth.
- 1.9 Bydd angen i chi fod wedi bodloni'r holl ofynion addysgol a phriodweddau personol a nodwyd i gael mynediad i'ch dewis gymhwyster. Rhaid i holl ofynion y rhaglen gael eu bodloni cyn i'r cymhwyster gael ei ddyfarnu.
- 1.10 Bydd angen i chi gael Cliriad Iechyd Galwedigaethol boddhaol a chydymffurfio ag unrhyw ofynion iechyd ar gyfer eich galwedigaeth: gall hyn gynnwys cael imiwneiddiadau, er enghraifft brechlynnau Hepatitis B neu COVID-19.
- 1.11 Bydd eich cofrestriad ar y cymhwyster Nyrsio yn amodol nes y byddwch wedi bodloni'r Brifysgol Agored eich bod wedi bodloni'r holl amodau mynediad Academiaidd, Galwedigaethol a Phroffesiynol gofynnol ar gyfer y Cymhwyster Nyrsio. Mae hyn yn cynnwys darparu'r holl dystiolaeth ddogfennol angenrheidiol, lle y bo'n berthnasol.
- 1.12 Ar gyfer myfyrwyr ar y Llwybr Annibynnol, rhaid i chi lofnodi Contract Anrhydeddus gyda'ch Cyflogwr Llwybr Annibynnol cyn cofrestru ar gyfer y Cymhwyster Nyrsio.
- 1.13 Bydd Y Brifysgol Agored yn terfynu eich cofrestriad ar y cymhwyster Nyrsio os na fyddwn yn fodlon eich bod wedi bodloni'r holl amodau mynediad Academiaidd, Galwedigaethol a Phroffesiynol gofynnol ar gyfer y Cymhwyster Nyrsio, cyn dyddiad dechrau eich modiwl.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Mae hyn yn cynnwys cael gwiriad cofnodion troseddol boddhaol yn unol â Chymal 1.1 a Chliriad Iechyd Galwedigaethol.

2 Cyfnodau Ymarfer Dysgu

2.1 Pan fyddwch yn cofrestru ar gyfer cymhwyster Nyrsio gyda'r Brifysgol Agored, rydych yn cytuno i wneud y canlynol:

- Cydweithredu â'ch Cyflogwr (Prentisiaid), Noddwr Dysgu, Cyflogwr Llwybr Annibynnol neu Ddarparwr Lleoliad er mwyn hwyluso eich cyfranogiad mewn Cyfnodau Ymarfer Dysgu priodol i'ch galluogi i gyflawni deilliannau dysgu'r Radd Nyrsio.
- Cydweithredu â'ch Cyflogwr (Prentisiaid), Noddwr Dysgu, Cyflogwr Llwybr Annibynnol neu Ddarparwr Lleoliad a bodloni unrhyw ofynion rhesymol i gynnal enw da'r Ddarparwr Lleoliad a'r Brifysgol Agored, a chydymffurfio â'u rhwymedigaethau cyfreithiol a'u safonau gwasanaeth mewn cysylltiad â'ch cyfranogiad yn y Cyfleoedd Ymarfer Dysgu a gynigir.
- Ar gyfer myfyrwyr a phrentisiaid a gaiff eu cyflogi fel rhan o'u rhaglen, cydymffurfio â pholisïau ac arferion cyflogaeth y Cyflogwr (Prentisiaid), Noddwr Dysgu a/neu Ddarparwr Lleoliad, a chymryd pob cam rhesymol i gynnal eich cyflogaeth ac unrhyw Gyfleoedd Ymarfer Dysgu a gynigir, er mwyn cwblhau'r cymhwyster Nyrsio. Noder: mae cyflogaeth barhaus yn ofynnol er mwyn parhau i astudio'r cymhwyster Nyrsio drwy'r llwybr rhaglen. **Nid yw Cymal 2.1c yn berthnasol i fyfyrwyr ar y Llwybr Annibynnol, a ddylai gyfeirio at Gymal 2.1d.**
- Ar gyfer y Llwybr Annibynnol, rhaid i chi gydymffurfio â pholisïau ac arferion y Cyflogwr Llwybr Annibynnol; rhaid i chi hefyd gydymffurfio â pholisïau ac arferion y darparwr lleoliad (os yw'n wahanol i'ch Cyflogwr Llwybr Annibynnol). Rhaid i chi hefyd gymryd pob cam rhesymol i gynnal eich Contract Anrhydeddus ac unrhyw Gyfleoedd Ymarfer Dysgu a ddarperir er mwyn cwblhau'r cymhwyster Nyrsio. Mae lleoliad parhaus yn ofynnol er mwyn parhau i astudio'r cymhwyster Nyrsio ar y Llwybr Annibynnol.

2.2 Wrth gyflawni ymarfer dysgu, mae'n ofynnol i chi gydweithredu â'r Asesydd Ymarfer/Goruchwyliwr Ymarfer a neilltuwyd i chi gan eich Ddarparwr Lleoliad. Bydd eich Asesydd Ymarfer/ Goruchwyliwr Ymarfer yn gwneud y canlynol:

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

- a) cynnal arsylwadau ac ymarfer wedi'i oruchwylio, gan gynnig adborth rheolaidd i chi drwy gydol y Cyfnod Ymarfer Dysgu;
- b) cyflawni unrhyw gyfrifoldebau asesu sy'n ofynnol gan y Rhaglen Nyrsio Cyn Cofrestru; ac yn
- c) cymryd rhan mewn cyfarfodydd cynllunio, monitro ac adolygu gyda chi a'ch Tiwtor Ymarfer.

2.3 Os byddwch yn torri Adrannau 2.1 a 2.2, ac nad yw, ym marn eich Cyflogwr (Prentisiaid), Noddwr Dysgu, Cyflogwr Llwybr Annibynnol a/neu Diwtor Staff Y Brifysgol Agored, yn rhesymol ymarferol i chi gwblhau Cyfnod Ymarfer Dysgu, yna nid yw'n ofynnol i'ch Cyflogwr (Prentisiaid), Noddwr Dysgu, Cyflogwr Llwybr Annibynnol, Darparwr Lleoliad na'r Brifysgol Agored roi cyfle pellach i chi fodloni'r gofynion ymarfer dysgu ar gyfer y modiwl hwnnw. O dan yr amgylchiadau hyn, ystyrir eich bod wedi methu'r modiwl a gall eich astudiaethau gael eu hatal yn unol â'r [Weithdrefn Addasrwydd i Ymarfer](#).

2.4 Myfyrwyr sy'n astudio cymhwyster Nyrsio (nad ydynt yn rhan o Raglen Brentisiaeth na Llwybr Annibynnol)

2.4.1 Os na fydd y Noddwr Dysgu yn rhoi digon o amser i chi gwblhau Cyfnodau Ymarfer Dysgu fel y'u nodir yn y deunyddiau modiwl, bydd Y Brifysgol Agored yn ceisio ymestyn eich cyfnod astudio er mwyn galluogi'r Noddwr Dysgu i gynnig digon o gyfleoedd ymarfer dysgu. Y Noddwr Dysgu neu, lle y bo'n berthnasol, y Noddwr Ariannol, fydd yn atebol am unrhyw gostau ychwanegol yr eir iddynt o ganlyniad i'r fath estyniad, neu am roi cyngor a chymorth i chi ddod o hyd i Noddwr Dysgu a/neu Gyfnodau Ymarfer Dysgu amgen.

2.5 Dysgwyr sy'n dilyn Rhaglen Brentisiaeth

2.5.1 Fel Prentis, mae'n ofynnol i'ch cyflogwr roi oriau 'y tu allan i'r swydd' wedi'u cynllunio i chi. Dylai'r rhain fod yn oriau â thâl er mwyn astudio. Cytunwyd ar gyfnod eich prentisiaeth a'r oriau wedi'u cynllunio ar ddechrau'r rhaglen, ac maent yn cynnwys y Cyfnodau Ymarfer Dysgu.

2.6 Myfyrwyr sy'n astudio cymhwyster Nyrsio ar y Llwybr Annibynnol

2.6.1 Os na fydd y Cyflogwr Llwybr Annibynnol yn rhoi digon o amser i chi gwblhau Cyfnodau Ymarfer Dysgu fel y'u nodir yn y deunyddiau modiwl, bydd Y Brifysgol Agored yn ceisio ymestyn eich cyfnod astudio er mwyn galluogi'r Cyflogwr Llwybr Annibynnol i gynnig digon

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

o gyfleoedd ymarfer dysgu.. Byddwn yn rhoi cyngor a chymorth i chi ddod o hyd i Gyflogwr Llwybr Annibynnol a/neu Gyfnodau Ymarfer Dysgu amgen lle y bo angen.

3 Terfynu Cyflogaeth a/neu Nawdd

3.1 Myfyrwyr sy'n astudio cymhwyster Nyrsio (nad ydynt yn rhan o Raglen Brentisiaeth na Llwybr Annibynnol)

- 3.1.1 Bydd rhwymedigaethau eich Noddwr Dysgu, fel y'u nodir yn y Cytundeb hwn, yn dod i ben os byddwch yn gadael eich cyflogaeth. Er mwyn parhau i fod wedi'ch cofrestru ar gyfer y cymhwyster Nyrsio, byddwch yn gyfrifol am ddod o hyd i Noddwr Dysgu amgen addas er mwyn cwblhau unrhyw ymarfer dysgu pellach sydd ei angen a chwblhau'r cymhwyster Nyrsio o fewn y terfyn amser a bennwyd.
- 3.1.2 Os ydych yn cael cymorth ariannol tuag at gost eich ffioedd dysgu ac y caiff y cymorth hwn ei dynnu'n ôl am unrhyw reswm, rhaid i chi sicrhau eich bod yn parhau i fodloni eich rhwymedigaethau o ran ffioedd. Gall hyn gynnwys cael nawdd ariannol newydd neu ddefnyddio benthyciadau myfyriwr. Os na fyddwch yn dod o hyd i ffordd o dalu eich ffioedd dysgu, ni chewch ddilyn y rhaglen mwyach.
- 3.1.3 Rhaid i chi roi gwybod i'r Brifysgol Agored cyn gynted â phosibl am unrhyw newid posibl i'ch cyflogaeth a all effeithio ar eich perthynas barhaus â'ch Noddwr Dysgu a/neu eich Noddwr Ariannol fel bod modd ystyried trefniadau amgen.
- 3.1.4 Os bydd eich Noddwr Dysgu a'ch Noddwr Ariannol yn sefydliadau gwahanol a'ch bod yn gadael eich cyflogaeth, yna, gyda chytundeb eich Noddwr Ariannol, cewch chwilio am gyflogaeth addas gyda chyflogwr amgen a fydd yn cytuno i weithredu fel eich Noddwr Dysgu. Bydd hyn yn eich galluogi i barhau â'ch cymhwyster Nyrsio ar yr amod bod y cyflogwr newydd yn gallu darparu'r profiadau ymarfer dysgu ac Aseswyr Ymarfer/Goruchwylwyr Ymarfer priodol i fodloni gofynion y cymhwyster. Rhaid i chi gysylltu â'ch [Tîm Cymorth i Fyfirwyr](#) i drafod addasrwydd y newid arfaethedig hwn.
- 3.1.5 Os caiff cytundeb cydweithredu'r Brifysgol Agored â'ch Noddwr Dysgu ei derfynu, byddwn yn cymryd camau rhesymol i'ch galluogi i orffen y rhaglen, gan gynnwys cwblhau pob modiwl angenrheidiol a chyflawni'r holl Gyfnodau Ymarfer Dysgu angenrheidiol.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

3.2 Dysgwyr sy'n dilyn Rhaglen Brentisiaeth

3.2.1 Os caiff eich cyflogaeth ei therfynu am unrhyw reswm yn ystod eich prentisiaeth, cysylltwch â'ch Tiwtor Ymarfer neu'r [Tîm Cymorth ac Ymrestru Prentisiaid](#) cyn gynted â phosibl oherwydd bydd hyn yn effeithio ar eich gallu i barhau â'ch rhaglen ddysgu.

3.3 Myfyrwyr sy'n astudio cymhwyster Nyrsio ar y Llwybr Annibynnol

3.3.1 Bydd cyfrifoldebau eich Cyflogwr Llwybr Annibynnol, fel y'u nodir yn y Cytundeb hwn, yn dod i ben os byddwch yn gadael eich lleoliad neu os bydd eich Contract Anrhydeddus yn cael ei derfynu. Bydd y Cyflogwr Llwybr Annibynnol yn hysbysu'r Brifysgol Agored os caiff eich Cytundeb er Anrhydedd ei derfynu. Er mwyn parhau i fod wedi'ch cofrestru ar gyfer y cymhwyster Nyrsio, byddwch yn gyfrifol am ddod o hyd i Gyflogwr Llwybr Annibynnol amgen addas er mwyn cwblhau unrhyw ymarfer dysgu pellach sydd ei angen a chwblhau'r cymhwyster Nyrsio o fewn y terfyn amser a bennwyd.

3.3.2 Os ydych yn cael cymorth ariannol tuag at gost eich ffioedd dysgu ac y caiff y cymorth hwn ei dynnu'n ôl am unrhyw reswm, rhaid i chi sicrhau eich bod yn parhau i fodloni eich rhwymedigaethau o ran ffioedd. Gall hyn gynnwys cael nawdd ariannol newydd neu ddefnyddio benthyciadau myfyriwr. Os na fyddwch yn dod o hyd i ffordd o dalu eich ffioedd dysgu, ni chewch ddilyn y rhaglen mwyach.

3.3.3 Rhaid i chi roi gwybod i'r Brifysgol Agored cyn gynted â phosibl am unrhyw newid posibl i'ch statws lleoliad a all effeithio ar eich perthynas barhaus â'ch Cyflogwr Llwybr Annibynnol fel bod modd ystyried trefniadau amgen.

3.3.4 Os caiff cytundeb cydweithredu'r Brifysgol Agored â'ch Cyflogwr Llwybr Annibynnol ei derfynu, byddwn yn cymryd camau rhesymol i'ch galluogi i orffen y rhaglen, gan gynnwys cwblhau pob modiwl angenrheidiol a chyflawni'r holl Gyfnodau Ymarfer Dysgu angenrheidiol.

4 Terfynu Cofrestrriad

4.1 Gall Y Brifysgol Agored ganslo eich cofrestrriad ar gyfer y cymhwyster Nyrsio o dan yr amgylchiadau a nodir yn yr [Amodau Cofrestru](#) neu'r [Amodau Cofrestru \(Prentisiaid\)](#) fel y bo'n briodol i'ch cymhwyster. Gallwn hefyd ganslo eich cofrestrriad os na fyddwch yn gwneud y canlynol:

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

- a) aros mewn cyflogaeth (ar gyfer Dysgwyr ar Brentisiaethau a Myfyrwyr sy'n astudio cymhwyster Nyrsio nad ydynt ar y Llwybr Annibynnol).
- b) cyflawni ymarfer dysgu gyda'ch Noddwr Dysgu neu Ddarparwr Lleoliad y cytunwyd arno.
- c) cynnal safonau'r Cyngor Nyrsio a Bydwreigiaeth o ran eich iechyd, eich cymhwysedd a'ch safonau ymddygiad.
- d) argyhoeddi'r Brifysgol Agored eich bod wedi bodloni'r holl amodau mynediad Academaidd, Galwedigaethol a Phroffesiynol gofynnol ar gyfer y Cymhwyster Nyrsio, cyn i'ch modiwl ddechrau.

4.2 Os byddwch yn methu modiwl (gan gynnwys methu unrhyw arholiad ailsefyll neu ailgyflwyniad), mater i'ch Cyflogwr (Prentisiaid), Noddwr Ariannol (Ile y bo'n berthnasol), Cyflogwr Llwybr Annibynnol (Llwybr Annibynnol) a/neu Noddwr Dysgu fydd penderfynu a fydd yn parhau i'ch cefnogi ar y rhaglen Nyrsio.

Os ydych yn Brentis, dylech gysylltu â'r [Tîm Cymorth ac Ymrestru Prentisiaid](#) neu gyswllt cyfatebol y Wlad am ragor o wybodaeth o ran a fyddwch yn cael eich cefnogi i barhau.

Dylai myfyrwyr sy'n astudio cymhwyster Nyrsio y tu allan i Raglen Brentisiaeth gyfeirio at y meini prawf a amlinellir yn y [Rheolau Ffioedd](#) er mwyn penderfynu a ddylech chi neu'ch Noddwr Ariannol dalu ffioedd is i ailsefyll modiwl rydych wedi ei fethu.

4.3 Myfyrwyr sy'n astudio cymhwyster Nyrsio (nad ydynt yn rhan o Raglen Brentisiaeth na Llwybr Annibynnol)

4.3.1 Os bydd eich Noddwr Ariannol neu'ch Noddwr Dysgu yn tynnu eich cymorth yn ôl, bydd Y Brifysgol Agored yn canslo eich cofrestriad ar gyfer y cymhwyster Nyrsio. Bydd eich cofrestriad yn ailddechrau os byddwch, cyn dyddiad dechrau cyflwyniad nesaf y modiwl, wedi dod o hyd i Noddwr Ariannol (neu, yn Lloegr yn unig, wedi gwneud trefniadau amgen addas i dalu ffioedd dysgu) a/neu Noddwr Dysgu amgen.

4.3.2 Os caiff cymorth ei dynnu'n ôl, gallwch astudio modiwlau academaidd nad ydynt yn benodol i'r rhaglen Nyrsio ar eich cam astudio presennol, ar yr amod eich bod yn gallu cyflawni deilliannau dysgu'r modiwl hwnnw. Fodd bynnag, bydd angen i chi ddod o hyd i Noddwr Ariannol neu Ddysgu newydd i barhau â'r rhaglen Nyrsio ar ddyddiad dechrau'r modiwl nesaf.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

4.3.3 Os caiff eich contract â'ch Noddwr Dysgu ei derfynu, rhaid i chi ddod o hyd i Noddwr Dysgu newydd er mwyn cwblhau modiwlau sy'n cynnwys y Cyfnodau Ymarfer Dysgu gofynnol ar gyfer cam y Radd Nyrsio rydych yn ei astudio. Os na fyddwch yn gwneud hyn o fewn dwy flynedd i'ch Cyfnod Ymarfer Dysgu diwethaf, cewch eich dadgofrestru o'r Radd Nyrsio. Mewn amgylchiadau o'r fath, gallwch gadw eich credyd a dychwelyd i astudio'n hwyrach os byddwch yn gymwys i wneud hynny, yn ddarostyngedig i'r rheolau a'r rheoliadau sydd ar waith pan fyddwch yn cofrestru wedyn.

4.4 Myfyrwyr sy'n astudio cymhwyster Nyrsio ar y Llwybr Annibynnol

4.4.1 Os bydd eich Cyflogwr Llwybr Annibynnol yn tynnu eich cymorth yn ôl neu os bydd eich Contract Anrhydeddus yn cael ei derfynu, bydd Y Brifysgol Agored yn canslo eich cofrestriad ar gyfer y cymhwyster Nyrsio. Bydd eich cofrestriad yn aildechrau os byddwch, cyn dyddiad dechrau cyflwyniad nesaf y modiwl, wedi dod o hyd i Gyflogwr Llwybr Annibynnol amgen.

4.4.2 Os caiff cymorth ei dynnu'n ôl, gallwch astudio modiwlau academiaidd nad ydynt yn benodol i'r rhaglen Nyrsio ar eich cam astudio presennol, ar yr amod eich bod yn gallu cyflawni deilliannau dysgu'r modiwl hwnnw. Fodd bynnag, bydd angen i chi ddod o hyd i Gyflogwr Llwybr Annibynnol arall i barhau â'r rhaglen Nyrsio ar ddyddiad dechrau'r modiwl nesaf.

4.4.3 Os caiff eich Contract Anrhydeddus â'ch Cyflogwr Llwybr Annibynnol ei derfynu, rhaid i chi ddod o hyd i Gyflogwr Llwybr Annibynnol arall er mwyn cwblhau modiwlau sy'n cynnwys y Cyfnodau Ymarfer Dysgu gofynnol ar gyfer cam y Radd Nyrsio rydych yn ei astudio. Os na fyddwch yn gwneud hyn o fewn dwy flynedd i'ch Cyfnod Ymarfer Dysgu diwethaf, cewch eich dadgofrestru o'r Radd Nyrsio. Mewn amgylchiadau o'r fath, gallwch gadw eich credyd a dychwelyd i astudio'n hwyrach os byddwch yn gymwys i wneud hynny, yn ddarostyngedig i'r rheolau a'r rheoliadau sydd ar waith pan fyddwch yn cofrestru wedyn.

5 Eich Astudiaethau

5.1 Rhaid i chi gwblhau eich cymhwyster Nyrsio o fewn y cyfnod penodedig a nodir yn y Rheoliadau Cymhwyster ac a ddangosir ar [StudentHome](#)) oni chewch estyniad yn ôl disgrisiwn y Bwrdd Astudiaethau Iechyd, Llesiant a Gofal Cymdeithasol. Os ydych yn astudio prentisiaeth, rhaid i unrhyw gais am estyniad gael ei wneud gyda chytundeb eich Cyflogwr a'r Brifysgol Agored, a rhaid iddo gydymffurfio â'r rheolau a nodwyd gan eich Darparwr Cyllid a'r rheoleiddiwr.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Gellir ystyried ceisiadau am estyniad os nad ydych wedi gallu astudio am resymau y tu hwnt i'ch rheolaeth ([gweler Atodiad A](#)) Mae amgylchiadau eraill lle y gellir rhoi estyniad yn cynnwys y canlynol:

- a) os byddwch wedi cael eich gwahardd dros dro o dan y [Weithdrefn Addasrwydd i Ymarfer](#) ac wedi cael eich derbyn yn ôl wedi hynny;
- b) os byddwch yn colli eich swydd ac nad chi oedd ar fai, ac na allwch ddod o hyd i swydd arall ar unwaith (Myfyrwyr sy'n astudio ar gyfer cymhwyster Nyrsio y tu allan i brentisiaeth yn unig).
- c) Os na fydd eich lleoliad ar gael neu os caiff ei ddileu (Myfyrwyr sy'n astudio cymhwyster Nyrsio ar y Llwybr Annibynnol yn unig)

5.2 Os, am unrhyw reswm, na allwch gwblhau'r Cyfnodau Ymarfer Dysgu ar gyfer modiwl, pan fyddwch yn dychwelyd i astudio, bydd yn ofynnol i chi gwblhau'r Cyfnod Ymarfer Dysgu olaf ar gyfer Cam y cymhwyster Nyrsio roeddech wedi'i gyrraedd cyn y tarfu ar eich astudiaethau, o leiaf. Gallwch ofyn am i'r oriau ymarfer rydych wedi'u cwblhau yn ystod y modiwl gael eu cario ymlaen o'r Cyfnodau Ymarfer Dysgu hynny rydych wedi'u cwblhau'n llawn.

5.3 Os byddwch yn astudio cymhwyster Nyrsio y tu allan i Raglen Brentisiaeth, rhaid i chi astudio bob yn ail flwyddyn o leiaf, neu gymryd seibiant astudio wedi'i gymeradwyo fel y nodir ym [Mholisi a Gweithdrefn Newid eich Cynlluniau Astudio](#), neu byddwch yn cael eich dadgofrestru o'ch cymhwyster Nyrsio.

5.4 Cewch ddechrau modiwl ar gam nesaf y cymhwyster Nyrsio cyn i chi gwblhau modiwl a chael y canlyniadau ar gam cynharach. Mewn amgylchiadau o'r fath, mae'n rhaid eich bod wedi cwblhau'r modiwl cynharach a chael y canlyniadau o fewn 12 wythnos i ddechrau'r modiwl ar y cam nesaf. Os na fydd hyn yn bosibl neu os na fyddwch yn llwyddo, ni fyddwch yn gallu dechrau na pharhau wedi'ch cofrestru ar y modiwl ar y cam nesaf. Caiff unrhyw oblygiadau ariannol eu trafod â chi.

6 Rhannu gwybodaeth a Diogelu Data

6.1 Gweler [Hysbysiad Preifatrwydd Myfyrwyr](#) Y Brifysgol Agored i gael gwybodaeth lawn am y ffordd rydym yn casglu ac yn defnyddio eich data. Rhai pwyntiau ychwanegol sy'n ymwneud â'r Cytundeb Atodol hwn. Drwy ymrwymo i'r Cytundeb Atodol hwn:

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

- a) Gall Y Brifysgol Agored rannu gwybodaeth am eich perfformiad academaidd a'r safonau proffesiynol sy'n ymwneud â'ch astudiaeth ar gyfer cymhwyster Nyrso â'ch Cyflogwr (Prentisiaid), Noddwr Dysgu, Noddwr Ariannol, Cyflogwr Llwybr Annibynnol ac unrhyw Ddarparwr Lleoliad, (neu bydd yn rhannu ar gyfer Prentisiaid). Gall gwybodaeth am faterion yn ymwneud â'ch ymddygiad gael ei rhannu lle y gallant effeithio ar eich addasrwydd proffesiynol neu'ch addasrwydd i ymarfer a'ch cyfranogiad parhaus mewn unrhyw amgylchedd ymarfer dysgu.
- b) Bydd Y Brifysgol Agored yn rhoi gwybod i'ch cyflogwr neu Gyflogwr Llwybr Annibynnol ar Gam 2 y [Polisi Addasrwydd i Astudio](#) os bydd hyn yn berthnasol i chi. Cyfeiriwch at y [Polisi Addasrwydd i Astudio](#) am ragor o fanylion.
- c) Gall Y Brifysgol Agored ystyried unrhyw bryder a godir drwy ein [Gweithdrefn Addasrwydd i Ymarfer](#). Gall hyn arwain at osod amodau ar eich cofrestriad parhaus ar y rhaglen, eich gwahardd dros dro neu eich dadgofrestru o'r rhaglen, neu eich diarddel o'r Brifysgol Agored.
- d) Gall gwybodaeth am eich iechyd ac unrhyw anabledd rydych wedi dweud wrthym amdano gael ei rhannu â Ddarparwr Lleoliad neu eich Cyflogwr Llwybr Annibynnol yn unol â rhwymedigaethau cyfreithiol i ddarparu addasiadau rhesymol i gydymffurfio â rhwymedigaethau o dan Ddeddf Cydraddoldeb 2010 yng Nghymru, Lloegr a'r Alban; Rheoliadau Deddf Gwahaniaethu ar Sail Anabledd 1995 (Diwygio) (Gogledd Iwerddon) 2004; neu unrhyw ddyletswydd neu rwymedigaeth statudol arall. Hefyd, gall data gael eu rhannu fel na fyddwch chi nac aelodau o'r cyhoedd yn wynebu risg wrth i chi gyflawni lleoliad.
- e) Bydd Y Brifysgol Agored yn cadw unrhyw wybodaeth a rennir yn ddiogel ac yn prosesu data yn unol â'r [Hysbysiad Preifatrwydd Myfyrwyr](#). Bydd eich Cyflogwr (Prentisiaid), Noddwr Dysgu, Noddwr Ariannol, Cyflogwr Llwybr Annibynnol ac unrhyw Ddarparwr Lleoliad yn storio ac yn prosesu gwybodaeth yn unol â'u Hysbysiadau Preifatrwydd.
- f) Gall eich Cyflogwr (Prentisiaid), Noddwr Ariannol (lle y bo'n berthnasol), Noddwr Dysgu, Cyflogwr Llwybr Annibynnol neu unrhyw Ddarparwr Lleoliad roi gwybod i'r Brifysgol Agored am unrhyw fater sy'n codi pryderon am eich gallu i gyrraedd safonau proffesiynol y Cyngor Nyrso a Bydwreigiaeth.

Gall Y Brifysgol Agored, eich Cyflogwr (Prentisiaid), eich Noddwr Dysgu, eich Noddwr Ariannol (lle y bo'n berthnasol), eich Cyflogwr Llwybr Annibynnol ac unrhyw

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Ddarparwr Lleoliad rannu gwybodaeth a thystiolaeth am faterion yn ymwneud â'ch ymddygiad a allai effeithio ar eich addasrwydd proffesiynol, eich addasrwydd i ymarfer, eich cyflogaeth barhaus neu'ch cyfranogiad mewn Cyfnod Ymarfer Dysgu. Mae gan eich Noddwr Dysgu, fel eich cyflogwr, yr hawl i ddelio â materion sy'n ymwneud â chyflogaeth o dan ei weithdrefnau ei hun, yn annibynnol ar ein [Gweithdrefn Addasrwydd i Ymarfer](#). Fodd bynnag, gall y weithdrefn hon hefyd gael ei defnyddio mewn perthynas â'r materion hynny. Mae gan eich Cyflogwr Llwybr Annibynnol yr hawl i ddelio ag unrhyw faterion sy'n ymwneud â'ch Contract Anrhydeddus o dan ei weithdrefnau ei hun, yn annibynnol ar ein gweithdrefnau addasrwydd i ymarfer. Fodd bynnag, gall y rhain hefyd gael eu defnyddio mewn perthynas â'r materion hynny.

- g) Hefyd, efallai y bydd gan Y Brifysgol Agored rwymedigaeth gyfreithiol i ddarparu gwybodaeth benodol i'r Cyngor Nyrsio a Bydwreigiaeth.
- h) Bydd Y Brifysgol Agored, lle y bo'n ofynnol, yn rhoi gwybod i'r Cyngor Nyrsio a Bydwreigiaeth am unrhyw fater sy'n ymwneud ag addasrwydd neu addasrwydd i ymarfer yr ymchwiliir iddo, yn ogystal â chanlyniad unrhyw ymchwiliad. Fodd bynnag, ni fydd Y Brifysgol Agored yn rhannu gwybodaeth am ymchwiliad i Addasrwydd i Ymarfer â Noddwr Ariannol (lle y bo'n berthnasol), Noddwr Dysgu, Cyflogwr Llwybr Annibynnol na Darparwr Lleoliad os ystyrir nad yw'r mater yr ymchwiliir iddo yn peri risg uniongyrchol o dan yr amgylchiadau, na risg i ddefnyddwyr gwasanaethau neu gleifion.

6.2 Ar ôl i chi gwblhau eich cymhwyster Nyrsio, bydd Y Brifysgol Agored, os bydd angen ac yn amodol ar gadarnhad parhaus o iechyd a chymeriad da, yn darparu unrhyw adroddiad neu eirida sydd ei angen ar y Cyngor Nyrsio a Bydwreigiaeth fel un o amodau dechrau nyrsio.

6.3 Os, ar ôl i chi gwblhau'r gofynion academiaidd, na chaiff cymhwyster Nyrsio ei ddyfarnu, bydd Y Brifysgol Agored yn darparu unrhyw adroddiad, geirida neu wybodaeth berthnasol yn unol â gofynion a chyfarwyddyd y Cyngor Nyrsio Bydwreigiaeth mewn perthynas â'r mater hwnnw. Gall hyn gynnwys ei drosglwyddo'n uniongyrchol i gyflenwr trydydd parti a ddefnyddir gan y Cyngor Nyrsio a Bydwreigiaeth.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

7 Tynnu'n ôl o'ch astudiaethau neu eu gohirio

Noder: nid yw'r adran hon yn berthnasol i Brentisiaid sy'n astudio Rhaglen Brentisiaeth, a ddylai gyfeirio at Adran G5 "Newid eich cynlluniau astudio am resymau eithriadol neu bersonol" o'r [Rheoliadau Academaidd \(Prentisiaid\)](#).

Myfyrwyr sy'n astudio cymhwyster Nyrsio (nad ydynt yn rhan o Raglen Brentisiaeth na Llwybr Annibynnol)

- 7.1 Os ydych yn bwriadu gohirio neu dynnu'n ôl o fodiwl cyn ei gwblhau, dylech drafod hyn â'ch [Tîm Cymorth Myfyrwyr](#). Os byddwch wedi gohirio modiwl, bydd eich tîm cymorth, yn ei dro, yn cysylltu â'ch Noddwr Ariannol a/neu Noddwr Dysgu, a all fod yn atebol am unrhyw ffioedd ychwanegol pan fyddwch yn ailddechrau astudio'r modiwl.
- 7.2 Bydd Y Brifysgol Agored yn gweinyddu unrhyw Gredydau Ffioedd neu Ad-daliadau Ffioedd sy'n ddyledus yn unol â'r [Rheolau Ffioedd](#) oni fyddwch wedi cytuno'n benodol â ni a'ch Noddwr Ariannol y dylai unrhyw gredydau ffioedd neu ad-daliadau ffioedd gael eu gwneud yn uniongyrchol i'r Noddwr Ariannol.

Myfyrwyr sy'n astudio cymhwyster Nyrsio ar y Llwybr Annibynnol

- 7.3 Os ydych yn bwriadu gohirio neu dynnu'n ôl o fodiwl cyn ei gwblhau, dylech drafod hyn â'ch [Tîm Cymorth Myfyrwyr](#). Os ydych wedi gohirio modiwl, bydd eich Tîm Cymorth Myfyrwyr yn cysylltu â'ch Cyflogwr Llwybr Annibynnol. Mae'n bosibl y byddwch yn gyfrifol am ffioedd ychwanegol pan fyddwch yn ailddechrau astudio'r modiwl.
- 7.4 Bydd Y Brifysgol Agored yn gweinyddu unrhyw Gredydau Ffioedd neu Ad-daliadau Ffioedd sy'n ddyledus yn unol â'r [Rheolau Ffioedd](#).

8 Crynodeb o newidiadau sylweddol

Bu sawl newid sylweddol ers fersiwn flaenorol y ddogfen hon, sef:

Hydref 2024

- a) Mae cyfeiriad at Gyswllt Cyflogi Llwybr Annibynnol wedi'i ychwanegu at gymal 1.2b.
- b) Mae'r cymal 1.12 newydd yn nodi'r gofynion i fyfyrwyr ar y Llwybr Annibynnol i lofnodi Contract Anrhydeddus cyn cofrestru yn glir

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

- c) Mae cymal 1.13 wedi cael ei ail-rifo. 1.12 oedd ei rif blaenorol.
- d) Mae cyfeiriad at “Gyflogwr Llwybr Annibynnol” wedi'i ychwanegu at gymalau 2.1a, 2.1b a 2.3.
- e) Mae cymal 2.1c a 2.4 wedi'u nodi fel rhai nad ydynt yn berthnasol i fyfyrwyr ar y Llwybr Annibynnol.
- f) Mae cymal 2.1d yn nodi'r gofynion mewn perthynas â Chyfnodau Ymarfer Dysgu y mae'n rhaid i fyfyrwyr ar y Llwybr Annibynnol gytuno arnynt wrth gofrestru ar gyfer Cymhwyster Nyrsio.
- g) Mae adran 2.6 wedi'i hychwanegu sy'n nodi'r hyn y bydd Y Brifysgol Agored yn ei wneud lle nad yw myfyriwr ar y Llwybr Annibynnol wedi cael digon o amser i gwblhau ei Gyfnodau Ymarfer Dysgu.
- h) Mae adran 3.1 wedi'i nodi fel rhan nad yw'n berthnasol i fyfyrwyr ar y Llwybr Annibynnol.
- i) Mae'r adran 3.3 newydd yn nodi'r amodau ynghylch terfynu Contract Anrhydeddus neu nawdd ariannol myfyrwyr ar y Llwybr Annibynnol.
- j) Mae cymal 4.1a ac adran 4.3 wedi'u nodi fel rhai nad ydynt yn berthnasol i fyfyrwyr ar y Llwybr Annibynnol.
- k) Mae cyfeiriad at “Gyflogwr Llwybr Annibynnol (Llwybr Annibynnol)” yng nghymal 4.2.
- l) Mae'r adran 4.4 newydd yn nodi'r amodau ynghylch terfynu cofrestrriad ar y cymhwyster nyrsio ar gyfer myfyrwyr ar y Llwybr Annibynnol.
- m) Mae cymal 5.1c wedi'i ychwanegu sy'n nodi sut y gall myfyrwyr ar y Llwybr Annibynnol gael estyniad i gwblhau'r cymhwyster Nyrsio.
- n) Mae cymalau 7.1 a 7.2 wedi'u nodi fel rhai nad ydynt yn berthnasol i fyfyrwyr ar y Llwybr Annibynnol.
- o) Mae cymalau 7.3 a 7.4 sydd wedi'u hychwanegu yn nodi'r amodau ynghylch gohirio neu dynnu'n ôl o fodiwl ar gyfer myfyrwyr ar y Llwybr Annibynnol.
- p) Mae'r term “Contract Anrhydeddus” wedi'i ychwanegu at y Rhestr Termau.
- q) Mae'r term “Llwybr Annibynnol” wedi'i ychwanegu at y Rhestr Termau.
- r) Mae'r term “Cyflogwr Llwybr Annibynnol” wedi'i ychwanegu at y Rhestr Termau.
- s) Mae'r term “Cyswllt Cyflogwr Llwybr Annibynnol” wedi'i ychwanegu at y Rhestr Termau.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

- t) Mae “Cyswllt Llwybr Annibynnol” wedi cael ei ychwanegu at y diffiniad o Gyflogwr Llwybr Annibynnol.

Mawrth 2024

- a) Mae'r Cyflwyniad wedi'i ddiwygio i restru'r holl gymwysterau Nyrsio sydd ar gael o dan y Rhaglen Nyrsio.
- b) Mae cyfeiriadau at yr “Awdurdod Rheoleiddio” wedi'u newid i gyfeiriadau at y “Cyngor Nyrsio a Bydwreigiaeth” er mwyn sicrhau eglurder.
- c) Mae “Tîm Cymorth ac Ymrestru ar Brentisiaeth” wedi'i newid i “Tîm Cymorth ac Ymrestru Prentisiaid” drwyddi draw.
- d) Mae'r diffiniad o'r “Tîm Cymorth ac Ymrestru Prentisiaid” wedi'i ddiwygio yn y Rhestr Termau heb newid yr ystyr.
- e) Mae'r term Prentis wedi'i ddefnyddio yn lle Dysgwr, lle y bo'n briodol, wrth gyfeirio at y rheini ar y rhaglen brentisiaeth.
- f) Mae'r gofyniad i gwblhau hunanddatganiad (a all gynnwys euogfarnau wedi'u disbyddu perthnasol) wedi'i ychwanegu yng Nghymal 1.1.
- g) Mae Cymalau 1.2 ac 1.6 wedi'u haralleirio i'w gwneud yn gliriach heb newid y neges.
- h) Mae Cymalau 1.11 ac 1.12 wedi'u hychwanegu yn nodi y bydd eich cofrestriad ar y cymhwyster Nyrsio yn parhau'n amodol nes y bydd yr holl amodau mynediad Academaidd, Galwedigaethol a Phroffesiynol wedi'u bodloni. Os na fydd yr amodau hynny wedi'u bodloni erbyn dyddiad dechrau'r modiwl, bydd Y Brifysgol Agored yn terfynu eich cofrestriad ar y cymhwyster Nyrsio.
- i) Mae Cymal 4.1d wedi'i ychwanegu yn nodi y gall Y Brifysgol Agored ganslo eich cofrestriad ar gyfer y cymhwyster Nyrsio os na fyddwch yn bodloni'r holl amodau mynediad Academaidd, Galwedigaethol a Phroffesiynol erbyn dyddiad dechrau'r modiwl, er mwyn adlewyrchu'r newidiadau a wnaed yng Nghymal 1.12.
- j) Mae'r manylion cyswllt yng Nghymal 7.1 wedi'u diweddarau.
- k) Mae'r Cyngor Nyrsio a Bydwreigiaeth wedi'i ddiffinio yn y “Rhestr Termau”.
- l) Nodwyd yn glir y rhoddir blaenoriaeth i'r telerau ac amodau yn y Cytundeb Atodol hwn dros yr Amodau Cofrestru lle maent yn wahanol.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Cytundebau Atodol a ddisodlir gan y ddogfen hon

Mae'r ddogfen hon yn disodli'r fersiwn flaenorol o [Gytundeb Atodol Amodau Cofrestru \(Nyrzio\) 2023/24](#).

Mae'r ddogfen hon yn Gytundeb Atodol i'r [Amodau Cofrestru](#) neu'r [Amodau Cofrestru ar gyfer Prentisiaid](#) fel y bo'n berthnasol i'ch cymhwyster. Rhoddir blaenoriaeth i'r telerau ac amodau yn y Cytundeb Atodol hwn dros yr Amodau Cofrestru perthnasol lle maent yn wahanol.

Rhestr Termau

Tîm Cymorth ac Ymrestru Prentisiaid

Mae'r Tîm Cymorth ac Ymrestru Prentisiaid yn rhoi cymorth i brentisiaid drwy daith eu Prentisiaeth. Mae'r Tîm Cymorth ac Ymrestru Prentisiaid yn cynnwys tîm o Uwch-gynghorwyr sy'n cynnig cyngor a chymorth ar gyfer amrywiaeth o ymholiadau a all fod gan brentisiaid wrth astudio eu modiwlau, gan gynnwys cyngor ar aseiniad neu arholiad sydd ar ddod, defnyddio llwyfannau dysgu ar-lein Y Brifysgol Agored, neu wrth wynebu amgylchiadau anodd sy'n effeithio ar eu hastudiaethau. Bydd y Tîm Cymorth ac Ymrestru Prentisiaid yn cysylltu â thimau eraill yn y Brifysgol er mwyn sicrhau bod prentis yn cael y wybodaeth, yr help a'r cymorth cywir.

Prentis/Dysgwr

Myfyriwr 16 oed neu drosodd, sydd mewn cyflogaeth â thâl drwy gydol ei brentisiaeth ac sydd â Chytundeb Prentisiaeth gyda'i gyflogwr. Bydd y Prentis yn cyfuno ei waith ag astudio am gymhwyster seiliedig ar waith, academaidd neu gyfunol. Bydd yn Brentis yn Lloegr sydd wedi'i gofrestru ar gyfer cymhwyster israddedig.

Y Cod

Mae hwn yn cynnwys y safonau ymarfer proffesiynol ac ymddygiad ar gyfer Nyrzio, Bydwagedd a Chymdeithion Nyrzio (gan gynnwys Myfyrwyr) a gyhoeddwyd gan y Cyngor Nyrzio a Bydwreigiaeth.

Cyswllt Cyflogi

Yr unigolyn a enwebwyd gan Noddwr Dysgu i ddarparu cyswllt gweithredol parhaus â'r Brifysgol Agored mewn perthynas â chyflwyno'r cymwysterau Nyrzio Cyn Cofrestru a gwmpesir gan y Cytundeb Atodol hwn.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Noddwr Ariannol

Y sefydliad neu'r endid sy'n rhoi cymorth ariannol i chi, yn llawn neu'n rhannol, ar gyfer eich ffioedd dysgu a/neu gymorth ariannol arall sy'n gysylltiedig â'ch astudiaeth lle na chaiff ei ddarparu'n uniongyrchol gan eich Cyflogwr neu drwy fenthyciad ffioedd dysgu (Lloegr yn unig).

Contract Anrhydeddus

Defnyddir contractau anrhydeddus ar gyfer myfyrwyr nad ydynt yn cael eu cyflogi'n uniongyrchol ond a fydd yn ymgymryd ag ymarfer dysgu neu hyfforddiant ychwanegol drwy'r Cyflogwr Llwybr Annibynnol. Gan nad oes unrhyw gyflog ar gael ar gyfer y penodiad, nid oes unrhyw hawliau o ran taliad gwyliau, gwyliau banc, taliad salwch, treuliau teithio ac ati, a fyddai'n cael eu rhoi i gyflogai yn y sefydliad fel arall, ynghlwm â'r Contract hwn. Disgwylir iddynt gyflawni eu hymarfer dysgu neu hyfforddiant ychwanegol mewn modd diogel heb unrhyw risgiau i'w hiechyd eu hunain ac iechyd unrhyw berson y gallai eu gweithredoedd neu eu dyletswyddau effeithio arno. Disgwylir hefyd iddynt gydweithredu â'r sefydliad wrth gydymffurfio ag unrhyw reoliad statudol perthnasol a osodwyd gan y sefydliad.

Llwybr Annibynnol

Llwybr astudio lle y bydd myfyrwyr yn astudio'r cymhwyster nyrsio heb gymorth ffurfiol gan gyflogwr. Byddant yn astudio ar y cyd â Chyflogwr Llwybr Annibynnol.

Cyflogwr Llwybr Annibynnol

Y sefydliad y mae gennych Contract Anrhydeddus ag ef er mwyn astudio'r cymhwyster hwn ac sy'n gyfrifol am eich cefnogi i ymgymryd ag ymarfer dysgu ychwanegol. Mae'n bosibl y bydd eich Cyflogwr Llwybr Annibynnol hefyd yn darparu mynediad i amgylchedd ymarfer dysgu at ddibenion addysg Nyrsio.

Cyswllt Cyflogwr Llwybr Annibynnol

Yr unigolyn a enwebwyd gan y Cyflogwr Llwybr Annibynnol i ddarparu cyswllt gweithredol parhaus â'r Brifysgol Agored mewn perthynas â chyflwyno'r cymwysterau Nyrsio Cyn Cofrestru a gwmpesir gan y Cytundeb Atodol hwn

Noddwr Dysgu

Eich cyflogwr a'r sefydliad y mae gennych contract cyflogaeth parhaol ag ef ac sy'n gyfrifol am gefnogi'r broses o'ch rhyddhau i ymgymryd ag ymarfer dysgu ychwanegol a, lle y bo'n berthnasol, amser astudio y cytunwyd arno yn ystod oriau gwaith. Gall eich Noddwr Dysgu fod yn wahanol i'ch 'Noddwr Ariannol'.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Cymhwyster Nyrsio

Y Graddau Cyn Cofrestru, Graddau Sylfaen a Phrentisiaethau Gradd a gynigir gan Y Brifysgol Agored.

Darparwr Lleoliad

Y sefydliad sy'n darparu mynediad i amgylchedd ymarfer dysgu at ddibenion addysg Nyrsio. Gall gynnwys eich Noddwr Dysgu, Cyflogwr Llwybr Annibynnol ac unrhyw ddarparwyr lleoliadau ymarfer trydydd parti fel sy'n ofynnol i gyflawni cymwyseddau a deilliannau'r cymhwyster Nyrsio.

Asesydd Ymarfer

Y person sy'n asesu ac yn cadarnhau bod y myfyriwr wedi cyflawni ymarfer dysgu ar gyfer lleoliad neu gyfres o leoliadau.

Cyfleoedd Ymarfer Dysgu

Y profiadau dysgu a datblygu penodol sydd eu hangen o fewn y Cyfnod Ymarfer Dysgu er mwyn meithrin digon o wybodaeth seiliedig ar waith i gwblhau'r rhaglen Nyrsio.

Cyfnod Ymarfer Dysgu

Cyfnod neu gyfnodau ymarfer dysgu, lle cewch eich adnabod yn ffurfiol fel Myfyriwr Nyrsio ychwanegol ac na chewch eich cynnwys ar restr ddyletswyddau'r gweithlu, a all ddigwydd yn eich man gwaith neu gyda thrydydd parti.

Goruchwyliwr Ymarfer

Y person sy'n cefnogi ac yn goruchwyllo Myfyrywr/Prentisiaid Nyrsio a Bydwreigiaeth yn yr amgylchedd ymarfer dysgu. Rhaid i bob Myfyriwr/Prentis gael ei oruchwyllo wrth ddysgu mewn amgylcheddau ymarfer.

Tiwtor Ymarfer

Yr unigolyn a benodir gan Y Brifysgol Agored i ddarparu cymorth, arweiniad a sicrwydd ansawdd mewn perthynas ag ymarfer dysgu Myfyriwr ac asesiad yr Asesydd Ymarfer/Goruchwyliwr Ymarfer o gymhwysedd y Myfyriwr drwy gydol y cymhwyster Nyrsio.

Rhaglen Nyrsio Cyn Cofrestru

Y term cyffredinol ar gyfer y llwybrau y mae Myfyrywr/Prentisiaid yn eu hastudio er mwyn cymhwyso fel Nyrs neu Gydymaith Nyrsio wrth astudio Gradd Nyrsio, Gradd Sylfaen neu Brentisiaeth Gradd gyda'r Brifysgol Agored.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Y Cyngor Nyrsio a Bydwreigiaeth

Yr awdurdod rheoleiddio annibynnol ar gyfer nyrsys a bydwreagedd yng Nghymru, Lloegr, yr Alban a Gogledd Iwerddon.

Tiwtor Staff

Yr unigolyn neu'r unigolion a benodir gan Y Brifysgol Agored i oruchwylio'r gwaith o gyflwyno'r cymwysterau Nyrsio ar lefel leol, gan gynnwys rheoli Darlithwyr Cyswllt a Thiwtoriaid Ymarfer a chynnal cysylltiadau â'r Noddwr Dysgu, fel arfer drwy'r Cyswllt Cyflogi.

Tîm Cymorth Myfyrwyr

Mae Tîmau Cymorth Myfyrwyr yn cynnwys academyddion profiadol, cynghorwyr addysgol a staff eraill ag arbenigedd pwnc-benodol ac maent yno i helpu myfyrwyr os bydd ganddynt unrhyw gwestiynau am unrhyw agwedd ar eu hastudiaethau.

Ni/Ein

Mae hyn yn cyfeirio at Y Brifysgol Agored.

Eglurhad pellach o'r Cytundeb Atodol hwn

Anfonwch unrhyw wybodaeth neu ohebiaeth arall atom yn electronig er mwyn i ni allu ymateb i chi cyn gynted â phosibl. Gallwch hefyd gysylltu â ni dros y ffôn neu drwy'r post. Er mwyn cadarnhau'r cyfeiriad post diweddaraf a manylion cyswllt eraill, gweler [Swyddfeydd Y Brifysgol Agored](#).

I gael rhagor o wybodaeth am gofrestru, ymrestru a ffioedd neu i newid neu ganslo eich astudiaethau, cysylltwch â:

Y Tîm Cymorth Myfyrwyr Iechyd, Llesiant a Gofal Cymdeithasol) (ar gyfer Myfyrwyr ar Raglenni Nyrsio)

The Open University

PO Box 197

Milton Keynes

MK7 6BJ

www.open.ac.uk/contact

E-bost: hsc-support@open.ac.uk

Ffôn: +44 (0)300 303 5303

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Y Tîm Cymorth ac Ymrestru Prentisiaid (ar gyfer Prentisiaid ar Raglenni Prentisiaeth)

The Open University
PO Box 197
Milton Keynes
MK7 6BJ

www.open.ac.uk/contact

E-bost: apprentice-support@open.ac.uk

Ffôn +44 300 303 0266: +44 (0)300 303 4121

Y Brifysgol Agored yng Nghymru

Os ydych yn preswyllo yng Nghymru, gallwch siarad â chynghorydd cymorth myfyrwyr yn Gymraeg neu yn Saesneg.

18 Stryd y Tollty
Caerdydd
CF10 1AP

Ffôn +44 (0)29 2047 1170

E-bost wales-support@open.ac.uk

I siaradwyr Cymraeg

Os ydych yn siarad Cymraeg a byddai'n well gennych drafod eich anghenion drwy gyfrwng y Gymraeg, cysylltwch â'r Brifysgol Agored yng Nghymru yng Nghaerdydd.

Ffôn: +44 (0)29 2047 1170

e-bost: wales-support@open.ac.uk

Y Brifysgol Agored yn yr Alban

10 Drumsheugh Gardens
Edinburgh
EH3 7QJ

Ffôn +44 0 131 226

E-bost scotland@open.ac.uk

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Y Brifysgol Agored yn Iwerddon (Gogledd Iwerddon a Gweriniaeth Iwerddon)

110 Victoria Street
Belfast
Northern Ireland
BT1 3GN

Ffôn: +44 (0)28 9032 3718

E-bost: northernireland@open.ac.uk neu ireland@open.ac.uk

I Fyfrwyr newydd ac o'r tu allan i'r DU (ac eithrio Gweriniaeth Iwerddon)

Ffôn +44 300 303 0266

Neu anfonwch e-bost atom o'n gwefan www.open.ac.uk/contact

Adborth

Croesewir sylwadau ac adborth am y polisi hwn a sut y gellid ei wella. Dylech gyflwyno'r rhain i SPR-Policy-Team@open.ac.uk.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2024	Dyddiad adolygu: Mawrth 2025

Atodiad A

Tabl 1: Amgylchiadau lle y gellir ystyried rhoi estyniad i fyfyrwyr gwblhau eu cymhwyster.

Maen prawf	Amodau a nodiadau	Enghreifftiau o fathau o dystiolaeth ategol sydd ei hangen
1. Marwolaeth aelod agos o'r teulu, partner neu ddibynnydd.	Diffinnir aelod agos o'r teulu fel rhywun roeddech yn dibynnu arno (yn emosiynol neu'n ariannol) neu a oedd yn ddibynnol arnoch chi.	Copi caled neu hysbysiad e-bost ac yna dystiolaeth ddogfennol. Copi ardystiedig o dystysgrif marwolaeth (gellir gwneud eithriad os digwyddodd y farwolaeth o fewn chwe wythnos cyn gwneud cais).
2. Analluogrwydd annisgwyl am gyfnod estynedig ar eich rhan chi neu ar ran aelod agos o'r teulu o ganlyniad i salwch difrifol, damwain neu gyflwr meddygol.	Os oeddech yn ymwybodol o'r problemau meddygol cyn dyddiad dechrau'r modiwl, mae'n rhaid bod y cyflwr wedi gwaethgu neu ddirywio ers hynny, h.y. ni ellid bod wedi rhagweld ar ddechrau'r modiwl y byddai'r salwch neu'r cyflwr wedi cael effaith andwyol ar eich astudiaethau.	Copi caled neu hysbysiad e-bost ac yna dystiolaeth ddogfennol. Tystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa. (Mae'n rhaid bod cyfnod y salwch wedi effeithio ar amseru'r penderfyniad i dynnu'n ôl).

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2024	Dyddiad adolygu: Mawrth 2025

<p>3. Anabledd</p>	<p>Yr addasiadau rhesymol a wnaed gan Y Brifysgol Agored er mwyn cydymffurfio â rhwymedigaethau dan Ddeddf Cydraddoldeb 2010 yng Nghymru, Lloegr a'r Alban; Deddf Gwahaniaethu ar Sail Anabledd 1995 ar gyfer Gogledd Iwerddon; neu unrhyw ddyletswydd neu rwymedigaeth statudol arall, heb eich galluogi i astudio'n effeithiol; neu</p> <p>Mae effaith anabledd ar eich astudiaethau wedi bod yn fwy difrifol na'r disgwyl; neu</p> <p>Mae eich anabledd(au) wedi cael effaith gynyddol ar eich astudiaethau ers dyddiad dechrau'r modiwl.</p>	<p>Tystysgrif, llythyr neu ddatganiad meddygol gan feddyg teulu, meddyg ymgynghorol, cynorthwydd anfeddygol neu berson neu sefydliad cymorth yn cadarnhau'r sefyllfa.</p> <p>Tystiolaeth ategol o gofnodion y Brifysgol e.e. y tiwtor, y Tîm Cymorth Myfyrwyr neu'r Tîm Cymorth ac Ymrestru Prentisiaid.</p>
<p>4. Analluogrwydd annisgwyl am gyfnod estynedig ar eich rhan chi o ganlyniad i feichiogrwydd neu famolaeth/tadolaeth neu fenthyc croth.</p>	<p>Os oeddech yn ymwybodol o'r beichiogrwydd cyn dyddiad dechrau'r modiwl, mae'n rhaid bod effaith y beichiogrwydd neu famolaeth/tadolaeth neu fenthyc croth ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.</p>	<p>Copi caled neu hysbysiad e-bost ac yna dystiolaeth ddogfennol.</p> <p>Tystysgrif, llythyr neu ddatganiad meddygol gan weithiwr iechyd proffesiynol, e.e. meddyg teulu, meddyg ymgynghorol neu fydwaig yn cadarnhau'r sefyllfa.</p>
<p>5. Analluogrwydd annisgwyl am gyfnod estynedig ar eich rhan chi o ganlyniad i fabwysiadu.</p>	<p>Os oeddech yn ymwybodol o'r mabwysiadu cyn dyddiad dechrau'r modiwl, mae'n rhaid bod effaith y broses fabwysiadu neu'r cyfrifoldebau gofalu ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.</p>	<p>Tystiolaeth ategol e.e. adroddiad gan y gwasanaethau cymdeithasol, asiantaeth mabwysiadu neu dystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa.</p>

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2024	Dyddiad adolygu: Mawrth 2025

<p>6. Analluogrwydd annisgwyl am gyfnod estynedig ar eich rhan chi o ganlyniad i ailbennu rhywedd.</p>	<p>Os oeddech wedi bod drwy'r broses ailbennu rhywedd cyn dyddiad dechrau'r modiwl neu os oeddech yn ymwybodol erbyn hynny o'r trefniadau i wneud hynny ar ôl y dyddiad hwnnw, mae'n rhaid bod yr effaith ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.</p>	<p>Copi caled neu hysbysiad e-bost ac yna dystiolaeth ddogfennol.</p> <p>Tystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa.</p>
<p>7. Newid annisgwyl mewn amgylchiadau cyflogaeth sy'n golygu nad yw'n rhesymol bosibl i chi barhau i astudio oherwydd natur eithafol y gwaith, cyfathrebu gwael neu ddiffyg cyfleusterau astudio.</p>	<p>Oni fydd aelod o luoedd arfog Prydan yn cael ei leoli yn rhywle, ni chaiff amgylchiadau a all godi fel rhan o fywyd gwaith arferol fel newid swydd, symud, llwyth gwaith cynyddol neu ofynion teithio rhesymol eu hystyried.</p>	<p>Hysbysiad ar ffurf copi caled neu e-bost, a ddilynir gan dystiolaeth ddogfennol, e.e. llythyr neu e-bost gan eich cyflogwr neu bennaeth milwrol.</p>
<p>8. Camweinyddu ar ran Y Brifysgol Agored.</p>	<p>Camau gweithredu neu ddiffyg camau gweithredu y gellid eu hystyried yn gamweinyddu ar ran Y Brifysgol Agored ac sydd wedi effeithio ar eich cynnydd academaidd. Nid yw hyn yn cynnwys amgylchiadau sydd y tu hwnt i reolaeth Y Brifysgol Agored.</p>	<p>Unrhyw dystiolaeth berthnasol i gefnogi eich cais e.e. cofnod o gyswllt myfyrwr.</p>
<p>9. Amgylchiadau eithriadol eraill o natur ddifrifol y tu hwnt i'ch rheolaeth.</p>	<p>Amgylchiadau y tu hwnt i'ch rheolaeth a wnaeth leihau'n sylweddol yr amser a oedd ar gael i chi astudio dros gyfnod parhaus.</p>	<p>Tystiolaeth ategol e.e. adroddiad gan y gwasanaethau brys, gwasanaethau cymdeithasol, yr heddlu neu gwnselydd neu ddogfennaeth yswiriant y cartref.</p>

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2024	Dyddiad adolygu: Mawrth 2025

<p>10. Newid annisgwyl mewn cyfrifoldebau gofalu.</p>	<p>Os oedd eich cyfrifoldebau gofalu ar waith cyn dyddiad dechrau'r modiwl, mae'n rhaid bod yr effaith ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.</p>	<p>Hysbysiad ar ffurf copi caled neu e-bost, a ddilynir gan dystiolaeth ddogfennol, e.e. llythyr neu ddatganiad meddygol gan feddyg teulu, meddyg ymgynghorol, cynorthwydd anfeddygol neu berson neu sefydliad cymorth yn cadarnhau'r sefyllfa.</p>
---	--	---

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2024	Dyddiad adolygu: Mawrth 2025